

新修江寧府志

第四本
古蹟二
古蹟三
風俗物產

新修江寧府志卷之九

古蹟中

吳太初宮三國志吳主傳赤烏十年權適南宮三月改

作太初宮

注引江表傳載權詔徙武昌宮邨瓦更繕治之

內有神龍殿

昭明宮三國志孫皓寶鼎二年起昭明宮注引晉太康

三年地記太初宮方三百丈昭明宮方五百丈吳曆云

在太初之東

江表傳云皓營新宮大開園圍起上山樓觀功役之費以億萬計

內有赤

烏殿

晉新宮一日建康宮即吳太初宮趾元帝渡江備百官

立宗廟於建康城即所謂臺城者成帝時蘇峻之亂

新修江寧府志

卷之九

古蹟

一

宮闕灰燼咸和五年始繕苑城作新宮

通鑑王含錢鳳之來或謂苑城

小而不固注云苑城孫氏都建業所築晉置建康於秣陵水北南渡建都依苑城以為守

孝武帝時

宮室敝壞太元三年更作新宮其前有太極殿

世說注引徐廣

晉紀高八丈長二十七丈廣十丈金陵新志引晉紀曰

初造殿欠一梁忽有梅木流至石頭城下因取為梁畫

梅花於上陳高紀永定三年新造太極殿欠一柱忽有

樟木流至陶家後渚詔以造殿世說太極殿成謝公欲

屈王獻之題榜獻之武帝平洛所獲蓋魏舊物也太

極殿前有二大鐘宋武帝屯於中堂齊高紀桂陽王

中堂南皇堂

王敦之亂明帝屯於中堂置兵地領軍宜屯休範反帝曰中堂舊是宣陽門外晉孝武紀

宣陽門為諸軍節度則中堂當在宣陽門外晉孝武紀

以太學在秦淮南去城懸遠權以中堂為太學釋奠通鑑晉明紀王含之來帝帥渚軍屯南皇堂遣段

秀渡水平旦戰於越城則南皇堂在臺城外

東有東堂西有西堂通鑑晉成紀蘇逸韓晁竝力攻臺城焚太極殿及秘閣毛寶登城射殺數十人晁

謂寶曰君名健將何不又有東西二上閣在堂殿之間

出鬪則東堂亦在城外又有東西二上閣在堂殿之間

齊東昏紀王珍國等入殿內有清暑殿一名嘉禾殿晉

武造時人言清暑反言楚聲俄而帝果崩宋孝武大宋

明元年殿西薨壽陽公主人日臥簷下玉燭殿正大殿

含章殿宋孝武壽陽公主人日臥簷下玉燭殿正大殿

紫極殿合殿西殿齊昭陽殿陶宏景詩豈悟昭陽殿化

昭陽鳳莊殿鳳華殿壽昌殿靈曜殿武侯景纂位果在

靈曜三處此吾芳樂殿玉壽殿東昏紀起諸殿以麝香

麗和殿武帝時益州刺史劉俊獻蜀柳帝命植於靈

年閱武堂芳樂苑東昏紀即閱武堂為芳樂苑又於苑

時百姓歌曰閱武堂種楊帝自為市魁命潘妃為市令

柳至尊屠肉潘妃沽酒梁五明殿光嚴殿光華殿鳳光

殿惠靈殿供佛陳求賢殿後所居齊青樓武帝興光樓

人謂之青樓東昏曰琉璃中彭城王鉞上言樂賢陳齊雲

帝不巧何不純用琉璃中彭城王鉞上言樂賢陳齊雲

皆焚惟此堂獨存咸和中作頌蔡謨不可乃止陳齊雲

堂有先帝手畫佛像宜勅作頌蔡謨不可乃止陳齊雲

觀後主起齊雲觀來無際畔銅螭署本洛陽故物晉覆杯

池晉元帝以酒杯廢王導濛汜池張載秦遷於此華林園

華林園本洛京舊名南渡置於園內有宋景陽山景陽

臺城東內宋元嘉中更華林園孝武大明元年紫雲出

樓元嘉中興景陽山於慶雲樓齊武於六代之君始為

奢侈永明中宮女萬餘人帝數幸琅邪為獵宮女當夜

起嚴粧從之去端門遠者不聞鐘漏故於中園作鐘以

女警宮大壯觀或曰陳花光殿鳳光殿一柱臺層城觀興

化殿日觀臺宋司起芳香堂芙蓉堂雲堂琴堂醴泉堂天

新修江寧府志

卷之九

古蹟

泉池花萼池竹堂

前廢帝於華林園竹堂射鬼

梁重雲殿通天觀朝

日夕月二樓陳臨春結綺望仙三閣

後主自居臨春張貴妃居結綺龔孔

二貴嬪居望仙竝複道往來使女學士袁大捨等與江總孔範諸狎客賦詩采其尤豔麗者被以新聲有玉樹

後庭花臨春樂等曲其略曰壁月夜夜滿

天淵池

宋元

開江總朝新大抵皆美張孔二妃容色

宋蔬圃射棚以上俱在臺城內今皆無蹟可

考矣姑存其名以備稽覽而已

東宮在臺城外

景定志引輿地志云吳東宮在城南晉初東宮在城西西南後又移於宮城東南

宋齊梁在宮城東北晉孝武二十一年新作東宮本東

海王第至宋元嘉築為永安宮在臺城東華門外梁武

紀侯景登東宮牆射城內太宗募人燒東宮陳文帝紀自梁室亂離東宮灰燼太子居於永福省

未央宮長樂宮建章宮長楊宮南史宋廢帝紀景和元年以東府城為未央宮

新修江寧府志

卷之九

古蹟

三

石頭城為長樂宮北邨為建章宮南第為長楊宮

皆在臺城外

宋親蠶宮在上元縣西北鍾山鄉隋志江左至宋大明

始於臺城西白石壘為西蠶有親桑堂蠶觀

青溪宮本齊高帝舊宅武帝生於此永明二年詔燬落

青溪宮南史本紀云亦號舊宮反語為窮廐也今不詳

其處

梁金華宮景定志云在青溪東去臺城三里昭明太子

蔡妃別居於此見陸襄傳疑在今駐防城內

陳安德宮景定志引宮苑記在宣陽門外陳宣帝築隋

平陳移江寧縣於此明年罷疑在今裕民坊處

南唐宮在今內橋北上元縣治盧妃巷廣儲倉一帶等

地皆是宮趾左有東虹橋今名昇平橋右有西虹橋今名大市橋

此護龍河也由盧妃巷北行里許又有一橋亦名虹橋

而東西二虹橋北達之水縮帶於此其前則東南達四

象橋入淮西南達運瀆宋為建康府治紹興南渡修為

行宮復就南唐宮城增築皇城詳見古城內有南唐百尺樓

後主起此樓蕭儼曰恨樓下無井以此不及景陽後主怒貶儼舒州 小金山 王安石懷府園詩常憶小

金山下路綠荷深處見游魚今不詳 摩訶池 後主有摩訶池避暑詞宮內水殿也 宋復古殿

孝思殿涼館高齋走馬廊有美堂 梅聖俞有金陵有美堂詩即府治堂非杭

之有美堂也 養種園熙春堂玉雪堂清華堂又有懷落芳潤

新修江寧府志

卷之九

古蹟

四

二亭等名今皆無蹟可考矣

明舊內本南宋建康府治所元南臺遺趾至正間明祖

下金陵御史大夫福壽於南城上死節以其署為吳王

府建白虎殿東西兩宮左渠為金水河今舊王府內有水是 正南

為闕門在今承恩寺左 東為東華門在針巷猶有牆垣 西為西華門在府

治前初猶可見今為居民屋所蔽 旁列中書省分六部堂今皆無蹟可考 洪武

元年移建大內遂改為舊王府景泰時命宦官司灑掃

所居之宅即今承恩寺

國初闕門猶存一額曰舊內之門歲久居民稠密中左二

門為市肆民房所蔽然猶有斷垣可見乾隆庚午吏取

垣甃爲甃甃用遺蹟蕩然矣今址爲藝植之圃每春夏

凝望菜花彌漫饒有野趣

相傳徐中山初欲造府太祖許以舊王府爲賜第劉誠意

不可太祖亦悔之因賜飲使極醉命昇至正殿寢且令伺之及醒問爲何處左右以告遽驚起跪叩謝死罪走

出則門上已懸舊內之門額矣於是爲建府於大功坊

正殿落成太祖詣而坐之見大門方灰堊而未髹漆曰

如此好看自是殿無人坐而門終明代不敢髹漆

明故宮在今駐防城內卽舊紫禁城由西華門出東華

門兩門之中有高牆依牆有廢址爲文華武英等殿基

面牆十餘丈爲五鳳樓左右皆城連東西二華門卽紫

禁城門

今之西華門疑係順治十七年所重造者延樓舊西華門名稱之非明宮城之舊西華門也

城外爲六部堂今廢直南行三門與樓相對爲午門出

新修江寧府志

卷之九

古蹟

五

門有小河爲金水河跨河石橋五中稍闊再南爲正陽

門一曰洪武

門外爲象房由大街折而東南爲神樂觀今皆

毀廢

吳梧園宮在句容縣西乾道志曰吳王別館有梧楸成

林樂府曰梧宮秋吳王愁按此恐在蘇州乾道志未可

信

延賢堂舊說在宣陽門內今不詳其地宋元嘉嘗於此

聽訟梁天監改名儀賢堂策孝廉秀才於此

宣猷堂晉置所在不詳梁武紀皇太子於東宮宣猷堂

及揚州廨開講蕭子顯傳傳嘏出守建安於宣猷堂宴

餞賦詩陳姚察傳察年十三卽引於宣猷堂聽講
鍾山草堂齊周彥倫所隱孔稚圭爲作北山移文者也
其舊址不可考

澄心堂在南唐宮之左後主建爲藏書撰述之所造澄

心堂紙爲世所珍

歐陽修有梅聖俞贈澄心堂紙詩

芙蓉堂

此非六朝在臺城內堂王安石詩投老歸來一幅巾尚私榮祿備藩臣芙蓉堂下疏秋水且與

龜魚作主人蓋在宋建康府治內卽南唐宮也

忠實不欺之堂在舊建康府治內宋理宗書賜馬光祖
明祖懸於舊內後建皇城移懸宮中

鄭俠讀書堂在清涼寺俠隨父宦江寧讀書於此

新修江寧府志

卷之九

古蹟

六

大本堂明洪武建爲太子諸王授經之所延四方耆儒
於其中公侯子弟皆就學焉

舊志不言地之所在疑或在成賢街國學相近處

松三堂武定橋西三坊巷有中山翁宅一區今分數姓
松三堂猶在楠木棟宇面立石臺假山瘦削三松俯仰
其間臺前二石盆長丈餘高四尺盛水數十担

國初陝西趙公良棟居此

戲綵堂

真德秀將母出使葺堂名戲綵

忠宣堂

亦真德秀所建

今皆不詳所在

射鴨堂在溧水唐元和初縣尉孟郊建有詩今廢
晚香堂在溧水有宋理宗書額賜丞相趙南仲今廢
烽火樓一名白馬城丹陽記云吳時舉烽火處

吳舉烽火見三

國志 在石頭西南按南史宗文紀魏太武至瓜步帝登烽
火樓極望不悅今廢

落星樓吳都賦饗戎旅乎落星之樓注樓在建業東北
十里景定志云吳大帝置三層樓以其高故名在上元

東北四十里 疑景定志云四
十里者或誤

孫楚酒樓在石頭城側後人因李白詩亦名李白酒樓
望遠樓在江寧縣西南八里新亭壘上宋元嘉中改名
臨滄觀後名勞勞

臨江樓疑卽臨江驛樓唐劉長卿有詩今廢

芙蓉樓舊據王昌齡詩以爲在丹陽城北今不詳詩所

新修江寧府志

卷之九

古蹟

七

指丹陽城爲郡爲縣按今潤州有芙蓉樓亦名木末樓
疑王詩所指在彼

層樓景定志云在府治右南廂花行街按宋時名層樓
街當卽今之花市也南史顧愷之於宅內建層樓以爲
畫所舊說愷之宅在瓦官寺東北略當近之今廢

東南佳麗樓舊名賞心樓宋馬光祖重建易今名在宋
銀行街今內橋西街也樓廢

南礪樓卽躍馬礪在城南八里舊云近何尚之宅今不
詳王安石有詩

莫愁湖樓在三山門外相傳明祖與魏國奕戲以湖乞

爲魏國賜莊而名其樓曰勝碁樓樓上今猶懸魏國像
國朝隸網戶文魚租其地盛爲游人觴咏之所餘見山水
志

南市樓明初建妓樓十六日南市曰北市在西城內曰來賓

曰重譯在南門外曰集賢曰樂民在南門瓦屑壩曰鶴鳴在西關北街曰

醉仙在西關南街曰輕煙曰淡粉在西關東街曰柳翠曰梅研在西

關北街曰石城曰謳歌在石頭門外曰清江曰鼓腹在清江門外爲

游人憩息之所竝以處官妓焉後皆廢惟南市樓在陡
門橋東北

國初猶存康熙中太守陳鵬年折毀改建講堂按南市北

新修江寧府志

卷之九

古蹟

八

腹屬上元又有十四樓無南市北市名永樂中晏振之金陵春夕詩有花月春風十四樓之句

逍遙樓明祖惡游民嗜博者勅逍遙樓於淮清橋北備
諸博器於中犯者閉入數日餓斃矣其後餓鬼頗爲崇
因改建鐵關帝廟以鎮之今廟祀甚盛

延祚閣在石城門內鐵塔寺中相傳殿有鐵塔二座故
名劉宋時爲羅暎和尚建羅暎生無雙目通曉佛典名
天眼侯景亂王僧辨駐軍於此宋高宗元懿太子殲宮
王安石籀龍軒皆在側寺久廢爲倉今不知其處梁何
遜唐許渾諸人有登延祚閣詩

瓦官閣南唐改曰昇元閣景德志引建康實錄晉哀帝

興寧二年詔移陶官於淮水北遂以南岸陶地施僧慧力造瓦官寺陸游南唐書瓦官寺因山爲基高可十丈開寶中王師收復士大夫豪民富商之家婦女數千人避難於其上兵士舉火焚之一旦而燼

祝穆方輿勝覽曰南唐將歸有

於昇元寺前掘得古記其詞曰若問江南事江南事可憑抱雞昇寶位謂後主丁酉生也走犬出金陵謂王師甲戌渡江也子建居南極謂曹彬列柵城南 安仁秉夜燈謂潘美恐有伏兵命縱火也 焦氏筆乘

云今驍騎衛倉是其遺趾登閣江山滿目最爲勝處太白詩白浪高於瓦官閣正與今倉基所見同近詔毀私創庵院集慶庵一點僧因妄以瓦官名其處因得幸免然於古蹟實無涉也今新橋西杏花邨有下瓦官寺卽

新修江寧府志

卷之九

古蹟

九

集慶庵又有上瓦官寺本名叢桂庵焦竑易名鳳游寺顧起元客座贅語云瓦官寺在淮水南城外小長干在瓦官寺南西出大江其後洲渚漸生江去長干遠而楊吳築城圍淮水於內瓦官寺遂在城內矣劉樹聲云驍騎倉在新橋西明時爲本營儲米處地勢最高國初掘廢居民侵占爲屋往往掘得不全銅佛由是郡起創掘銅佛盡而地平數尺矣按宋世子鑄銅佛高一丈六尺於瓦官寺見南史戴容傳劉樹聲所記疑卽此佛爲潘美所燬其址在明爲倉基今倉廢故人得而掘之也 涌虛閣南唐建在元武湖東宮園內見徐鉉集後燬明宣德間改建名憑虛閣登閣滿城在望

青溪閣本梁江總故宅宋爲段約之宅有亭曰割青蓋取王安石割取鍾山一半青意詳見青溪中橋及青溪元風觀晉建武間建在宣陽門外當今內橋北處

迎風觀宋大明間建在建康宮西當在今朝天宮之東
臨滄觀見前望遠樓

元武觀在元武湖上劉宋建嘗於此閱武江總有詩
商飆館南史齊武紀立商飆館於孫陵岡世呼九日臺
按今朝陽門至麒麟門相距二十里有十三岡第三岡
卽孫陵也其傍卽王安石半山園詳見古園

東田館南史齊鬱林王紀文惠太子立樓館於鍾山下
號曰東田時以東田反語爲顛童後蒼梧鬱林果相繼
敗明帝立斥賣之

謝眺詩魚戲新荷
動鳥散餘花落

儒館南史齊高紀宋立儒館於北郊命雷次宗居之次

新修江寧府志

卷之九

古蹟

十

宗開館於雞籠山高帝從受禮及左氏春秋

招隱館南史梁武紀修飾國學增廣生員立五館置五
經博士大同中於臺城西立士林館

橫江館在水西門外賞心亭側

朱陽館在句容雷平山北梁天監中爲陶宏景置元帝
撰碑銘

長沙館在朱陽之西陶宏景有碑銘

冶亭在冶城謝安爲揚州袁宏爲東陽郡出祖冶亭又
稱東冶亭按東冶見三國志不始於晉宋乾道建東冶
亭其地或云在城東汝南灣

焦竑云汝南灣當秦淮曲
折處按今不詳所在大約

在東水關以
北接青溪處

新亭一曰中興亭世說過江諸人暇日輒至新亭周侯
顛當坐歎曰風景不殊舉目有山河之異王丞相曰當
共戮力王室何至作楚囚對泣邪詳見新亭壘徐勉謝
眺有詩

征虜亭世說注引丹楊記曰晉太安中謝安爲征虜將
軍立此亭故名胡氏通鑑注云在方山之南按太安惠
帝年號於時去謝太傅尚遠當是別一謝安偶與太傅
同名耳且安石本傳亦未嘗爲征虜將軍也

甘露亭陳宣帝紀甘露降於樂游苑詔於苑內龍舟山

新修江寧府志

卷之九

古蹟

十一

立甘露亭

按龍舟山卽覆
舟山詳山水志

閻風亭在覆舟山

勞勞亭舊說本吳時建在勞勞山上寰宇記輿地志輿
地紀勝皆云卽臨滄觀今在上元西南近江渚處李白
有詩

望湖亭南唐建在雞籠山上

紅羅亭南唐後主建四面栽紅梅作豔曲歌之韓熙載
和云桃李不須誇爛熳已輸了春風一半時已失淮南
故也今不詳其地

白鷺亭在白鷺洲上去府治西南八里今洲已坍餘港

名草鞋夾東坡嘗作長短句題亭柱贈王勝之王安石詩柱上題名客姓蘇蓋指此也

賞心亭丁晉公鎮金陵真宗出八幅袁安臥雪圖付之謂曰卿到金陵選一絕境張之丁遂張於賞心亭圖乃周昉筆歷十四太守不敢取後一人卒以他畫易之去亭在宋下水門城上今水西門下臨秦淮宋賢多有題咏

白下亭在宋城東門外當今通濟門外詳白下門

忠貞亭南唐建在冶城宋葉適更名忠孝亭

暑風亭南唐後主建宋陳無已清涼寺詩惟應駐馬坡頭月曾見金輿納晚涼自注山有後主暑風亭井闌刻

新修江寧府志

卷之九

古蹟

十二

保大三年字然則今之翠微亭卽暑風亭也

折柳亭在賞心亭下宋張詠建爲祖餞之所

風亭在折柳亭東宋建

佳麗亭與風亭相近宋建

練光亭在保寧寺今新橋南保寧坊內黃庭堅云練光亭最是登臨勝處然高寒不可久處按保寧寺卽吳建初寺址在花盞岡

前人凡言此處故蹟皆云最高可證瓦官寺實在此

此君亭在華藏寺王安石有詩今不詳

割青亭在青溪上史正志建取王安石贈段約之詩語

詳青溪園

項王亭在江浦縣烏江鎮唐李德裕有項王亭賦

六峯亭在六合縣南卽六峯驛亭

昭文齋在鍾山定林寺王安石讀書於此米芾題其齋

曰昭文今廢

籀龍軒在城西鐵塔寺本王安石書齋今廢

南軒在保寧寺宋張浚開府時其子棫讀書於保寧寺

方丈小室號南軒真德秀建南軒先生祠於天禧寺後

今報
恩寺

華林園本洛京舊名晉南渡卽吳西苑址建在臺城西
晉簡文在園謂左右曰會心處不在遠翛然林水便有

新修江寧府志

卷之九

古蹟

十三

濠濮間想覺鳥獸禽魚自來相親詳見建康宮

樂游苑在覆舟山南本晉藥園宋元嘉改爲樂游苑十
一年三月禊飲顏延之爲序者此也詳藥園壘及北郊
壇下

芳林苑本齊高帝宅在青溪永明五年三月禊飲王融
爲序者此也詳見青溪宮

上林苑宋大明三年築上林苑於元武湖北孝武立改
名西苑

博望苑齊文惠太子立在臺城東鍾山下沈約郊居賦
睇東巘以流目心悽愴而不怡昔儲皇之舊苑實博望

之餘基庾信哀江南賦西瞻博望北臨元圃按漢時有博望苑崑崙之山有元圃蓋舊有此名文惠借以名其園耳疑博望苑卽東田館也

青林苑在元武湖東

新林苑一名靈邛苑齊武帝永明五年立在新林梁天監中以其地爲法王寺按徐孝嗣傳武帝幸方山曰朕經始此山之南復爲離宮應有邁靈邛靈邛卽新林苑也孝嗣諫乃止舊志誤立方山苑名其實方山苑不果立也

西園卽冶城園景定志引徐廣晉紀成帝適司徒府游

新修江寧府志

卷之九

古蹟

十四

觀冶城之園卽此或云桓元別苑也晉人謂之西園

南苑一曰建興苑宋明帝紀張永乞借南苑帝曰且給三百年期滿更請今不詳其地按梁天監改建興苑於秣陵里侯景之亂韋築等會青塘立營據建興苑則當在城西石頭側也

金陵新志謂明帝葬於此按南史紀明帝葬莫府山不在此也

婁湖苑舊說吳張昭宅昭封婁侯故名南史齊武紀望氣者言新林東府婁湖有王氣乃築青溪舊宮作新婁湖苑以厭之約當今駐防城東南詳見方盟壇

桂林苑吳都賦云數軍實於桂林之苑景定志引宮苑

記云在落星山

詳見山水志及落星樓

元圃齊文惠太子宮室奢麗開拓元圃與臺城北塹等多聚奇石妙極山水慮爲上所見乃芻列修竹內施高障游牆梁書云昭明太子立館於圃上以延朝士侯軌云宜奏女樂太子不荅惟誦左思詩云何必絲與竹山水有清音軌大慚

按元圃在太子宮內與東田館遠

南唐北苑徐鍇北苑侍宴賦序云望蔣嶠之嶽岑祝爲萬壽泛潮溝之清淺流作恩波當在城北
謝元別墅按溫庭筠謝公墅歌文楸方罨花參差心陣未成星滿池卽是謝公所與圍碁相賭處其地詳見檀城

新修江寧府志

卷之九

古蹟

十五

王騫墅在鍾山南史本傳騫有墅八十餘頃與故舊共佃之

沈約郊園在鍾山下謝眺有和沈祭酒行園詩

半山園王安石示蔡天啓詩今年鍾山南隨分作園囿又次吳氏女子詩自注南朝九日臺在孫陵岡芻去吾園數百尺

東籬門園南史何點傳從弟遁以東籬門園居之園內有卞忠貞冢點植花卉於冢側每飲必舉酒酌之在朝天宮之西今無蹟

烏衣園在烏衣巷東有來燕堂宋建約在今城南杏花

邨中

綉春園本舊名宋端平三年高定子重築今無考
青溪園宋馬光祖建其中橋池亭館數十處最爲繁盛
當時號小西湖舊志及通志皆云在上元又云園內諸
亭惟割青爲舊餘皆馬光祖所建按割青亭卽青溪閣
在宋爲段約之宅其地景定志云在府治東北青溪上
宋府治今舊王府地其東北當在秦淮水北今江寧縣
武定橋油坊巷地亦名小西湖非宋之青溪園也而世
猶沿此誤謂明天順間卽青溪閣剏鷺峯寺故世稱鷺
峯寺西溝爲青溪其誤久矣

新修江寧府志

卷之九

古蹟

十六

明徐中山王南園當賜第之對街今爲民居所據園址
石峯猶存

中山西園在郡城南新橋西南抵城處有古松高可三
丈婆娑可愛下覆二古石一曰紫煙一曰雞冠上有篆
刻模糊熙寧伯俞等字朱之蕃題曰六朝松石明季歸
桐城吳大司馬用先其子孫猶居之今松枯死而石於
乾隆間爲有勢者取去矣

東園一曰太傅園在武定橋東城下其西與舊院鄰王
弇州名園記謂明武宗南幸嘗於此設釣今廢爲居民
菜圃猶稱曰東花園

魏國第中西圃蓋出中門之外西穿二門爲堂堂後爲圃當賜第初皆織室馬廐久不治太保公闢除創圃焉今廢

四錦衣園盡大功坊之東樓榭宏麗中有一石峯嵌空珍瓏莫可名狀云故吳郡物也今廢

錦衣西園一曰鳳臺園與西園隔巷園內有小土阜相傳卽鳳凰臺古蹟今園廢屬上瓦官寺園中有一古石明季爲陳廷尉未詳何名取去

三錦衣園在府第東巷與鳳凰臺址相接

徐九公子園在府第對街按魏國府對街爲魏國南園九公子園亦在對街王鳳洲

新修江寧府志

卷之九

古蹟

十七

記所親游之地既兩載之必非一南園也

金盤李園去石城門一里在卞忠貞廟西今廢徐氏兩西園之外此亦稱西園

萬竹園亦魏國公子家園也地廣皆種竹明季爲張太守孚之王太守爾祝許鴻臚穀分據之張名佚園許名新園在瓦官寺南驍騎倉西北今數易主矣

中山別墅白下橋九兒巷有魏國退朝時更衣別墅花石位置極精巧相傳園內多怪今屢易主矣詳見陳毅金陵聞見錄

同春園在南門沙窩小巷故齊王孫園也後爲吳氏有

武定侯故園在竹橋之西漢府之後今廢

市隱園在武定橋油坊巷姚鴻臚元白所勅後北半址
歸桐城何侍御仲雅改爲足園後又歸鄧太史元昭文
徵明有詩

武氏園在南門內小巷乃武憲副之叔名易者所勅在
明季已數易主矣

王氏杞園在聚寶門外小市西巷門對大河後歸淮北
李氏今數易主矣

卜氏味齋園在南門內花盂岡之西枕上瓦官寺

顧氏息園明尚書顧璘園也在淮清橋東北察院之後

新修江寧府志

卷之九

古蹟

十八

園有井字樓窗開十二面今園廢爲塗人往來之路猶

稱顧氏花園

按井字樓於嘉慶五
年始拆毀改爲民房

顧氏遁園侍郎顧起元之園也在杏花邨中嘗舉邨中
之園各紀以詩序略曰杏花邨方幅一里內山園據其
什九雖奧曠異規大小殊趣皆可游也

逸園在江寧縣南門馴象街明太保王襄敏以旂別圃
敝廬三楹乃未遇時所構及貴不加修飾

快園在武定橋東明徐霖子仁所築中有晚靜閣文徵
明書有振衣臺麗藻堂武宗南巡嘗夜幸子仁家夫婦
倉皇出拜上命置酒家無供具以蔬笋鮭菜進上大喜

已而數幸其家御晚靜閣垂釣得一金色鯉魚宦官爭買之上大笑失足落水袞衣沾溼故快園中有宸幸堂浴龍池蓋卽今所稱小西湖也

國朝熊尚書一瀟居此

尚書
名本

栝園在大功坊東巷內本魏公東園後歸周亮工堂前老栝兩株趙宦光題額左峙一巨峯沈周吳寬錢福皆有鐫題

西池一名樂游池一名太子湖晉明帝爲太子時修西池養武士於內宋謝混詩所云水木湛清華者也宋元嘉中作樂遊苑此池蓋入苑內

新修江寧府志

卷之九

古蹟

十九

芙蓉池唐李德裕有游金陵芙蓉池記今不詳其地善泉池一名九曲池舊說梁昭明太子鑿在臺城東卽元圃地也

雷平池在句容縣茅山玉晨觀前真誥曰周時有雷氏子養龍於此

豢龍池在茅山天聖觀前梁天監中陶隱居開小沼養雷平池龍子於內宋眞宗大中祥符間中使任文慶醮祭茅山因禱取二龍子入宮中途失其一御製歌詞仍送還山石墨池卽菖蒲潭俗傳費長房學道於此書符滌硯礪石悉爲墨色按此等事無考不可信

洗心池在茅山乾元觀西世傳魏元君洗心處石壁上
有洗心池三字隱而不見以池水渥之立見按魏元君
未嘗住茅山不可信

龍池在華山拜經臺下中有蜥蜴十許不可見歲旱請
雨輒應今則羣然石隙中四足五爪黑背丹腹龍頭鰓
尾任人掬取但不可攜出攜出中途風雷迅發遁去又
東爲龍沼亦有蜥蜴禱雨較西池更驗

三品石舊說臺城同泰寺有四醜石高丈餘陳時謂之
三品石楊吳置於千福院前宋政和間取入汴京置延
福宮王安石爲之銘安石又有詩曰誤恩三品竟何酬

新修江寧府志

卷之九

古蹟

二十

今不知所在

到公石南史到溉居第近淮水齋前有礪石長丈六尺
武帝戲與賭碁輸焉因命舁入華林園宴殿前進石之
曰傾都縱觀謂之到公石今不詳所在

金華石舊云本金華宮中物趙宋時猶存於府治

秦淮石宋太祖建國四年改元乾德先是浚淮得石有
大宋乾德四年字考輔公祐有此僞號石出適值其時
人以爲符

宋明帝宅在青溪中橋卽位後改爲湘宮寺詳青溪中

橋

齊武帝宅在青溪見青溪宮

梁武帝宅在三橋見同夏縣城

吳張昭宅見婁湖苑

諸葛恪宅舊說在古宣陽門外元風觀前

按此說未見傳記不足爲

明據

周瑜宅今江寧府治卽明應天府治舊說本吳周瑜宅
劉樹聲云康熙辛亥民間火延燒府堂梁上有赤烏年
字按此未可信赤烏時瑜死久矣且豈有千年之梁而
仍存邪

晉陸機宅舊說在越城西有二陸讀書堂入洛後作懷

新修江寧府志

卷之九

古蹟

二十一

舊居賦卽指此按古宅今皆無蹟傳記所述聊以存其
髣髴而已是非有無政難指定惟甚謬妄者悉爲正之
王導謝安宅詳見烏衣巷晉書桓靈寶之亂欲以謝安
宅爲營謝鯤曰召伯之仁惠及甘棠文靖之德更不保
五畝宅耶乃止今不詳

謝尚宅舊說在竹格渡疑當今通濟門處永和四年尚
捨宅爲莊嚴寺宋路太后改謝鎮西寺詳見古寺
紀瞻宅舊說在驃騎航瞻爲驃騎將軍故名按驃騎航
亦名小航對朱雀大航言在今新橋處

謝元宅在土山其地名康樂坊詳見謝公墩

杜姥宅史屢見之其地在宣陽門內宮門外晉成帝杜后母裴氏所居乃杜宏治之妻也

吳隱之宅按晉書本傳所居茅堂六間籬垣仄陋女嫁謝安今不詳其地

宋何尚之宅按南史本傳尚之立私宅於南礪置社學聚生徒講學

徐勉宅按南史本傳誠子書曰聊於東田開營小園又慧日十住等既應營昏又須住止吾清明門宅無相容處前割西邊施宣武寺既失西廂不復方幅亦謂此逆旅舍耳何事須華常恨時人謂是我宅按此當亦在鍾

新修江寧府志

卷之九

古蹟

二十一

山下

顧愷之宅愷之於宅建層樓作畫所疑趙宋時層樓街因此名當在今三山街花市

沈慶之宅南史本傳慶之居清明門外有宅四區室宇甚麗又有園在婁湖一夕攜子孫徙居之以宅還官按慶之嘗奉勅賦詩云老朽筋力盡徒步歸南岡六朝士大夫皆居南岡又非婁湖地也

齊竟陵王子良宅舊說在蔣山按子良行宅詩訪宅北山阿卜居西野外當近莫府山也

劉巖宅南史本傳住檀橋瓦屋數間上皆穿漏學徒不

敢指斥稱青溪竟陵王子良表武帝爲立館以楊烈橋

故主第給之按檀橋當在青溪上
楊烈橋不詳所在

周彥倫宅按南史傳立隱舍於鍾山西王儉問山中何

食對曰赤米白鹽綠葵紫蓼文惠太子問菜食何味最

勝曰春初早韭秋末晚菘後捨爲草堂寺

伏挺宅南史傳挺於宅講論語士大夫往聽傾朝舊說

在潮溝西今城北小桃源有伏挺泉

朱异宅南史傳云居第臨淮水今不詳所在

王僧綽宅南史本傳云初大社西地本吳時丁奉宅孫

皓流徙其家江左初爲周顛蘇峻宅後爲袁悅宅又爲

新修江寧府志

卷之九

古蹟

二十二

司馬秀宅皆以凶終及給臧燾亦遇禍故世稱凶地僧

綽嘗謂宅無吉凶請爲宅始造未及居而敗今不詳其

地

檀道濟宅舊云在青陽巷今不詳按檀城檀橋青陽巷

說紛駁不明金陵新志云檀城本謝元別墅在上元縣

東北清風鄉黃城橋即梁書邵陵王拒侯景趙伯超曰

若從黃城大路必與賊遇者是也路旁有黃城邨黃城

橋今去縣東北三十五里有地名黃墅當即是其地在青

謂之城必是檀所嘗屯兵處而非其宅也其宅自康

陽巷今無考若檀橋則自青溪與檀城各在康

樂坊自當爲謝元宅所在江南通志云在土山有謝

元走馬路當今太平門駐防城近處若別墅或即古檀

城今黃墅地但無的然

江總宅在青溪上在宋爲青溪一閣舊皆云在東水門

鷲峯寺非也詳青溪閣及青溪中橋按總有南還尋草

市何在

唐王昌齡宅常建詩青溪深不測隱處惟孤雲松際露

微月清光猶為君當近青溪今無考

冷朝陽宅韓翃送冷朝陽還金陵舊宅詩落日澄江鳥

榜外秋風疎柳白門前橋通小市家林近山帶平湖野

寺連今不詳

南唐李建勳宅建勳有青溪草堂今無考

徐鍇宅舊說在亭子橋今不詳何地

韓熙載宅在城南戚家岡今無蹟

新修江寧府志

卷之九

古蹟

二十四

宋王安石宅在半山後捨為寺賜額報寧今廢當在今

駐防城處或云今太平門內香林寺即半山寺址非也

楊德逢宅在蔣山近後湖自號湖隱先生今無蹟王直方詩

話丹陽陳輔每歲清明上冢至蔣山過德逢居有詩曰
北山松粉未飄花白下風輕麥腳斜身似舊時王謝燕

一年一度到君家王安石贈詩曰一
水護田將綠遶兩山排闥送青來

蔡寬夫宅在青溪南本宋貢院基也舊志引南窗記談

不詳撰人云蔡侍郎治第青溪南穴地為池見釜鑊等器

明中山王府即今藩署

常府今常府街九蓮塘花牌樓是其地花牌樓乃府西

牌樓也

洙府今爲督憲署猶稱洙府西門洙府大街

曹國李府今爲城守署

柳府今爲都閩署

襄城趙府今爲理事同知署

臨淮湯府在今復成橋東駐防城內

今南門武定橋信河有信國公湯

和祠按元至正二十六年徐達先封信國公不知此河於徐湯二公孰受名也

韓府在土街口西巷內今爲民宅

寧和王鄧府在土街口東巷今爲民宅

王襄敏以旂宅在馴象門內每還宅恒迂道避人

馬阮故宅阮大鍼宅在庫司檔名石巢園今爲陶氏所

新修江寧府志

卷之九

古蹟

二十五

居名陶園書堂不甚高花石秀麗馬士英宅在北門橋雞鵝巷崇垣高樓今屋僅存昔時什之二三近爲武氏吳氏所居西華門外亦有馬相故宅今爲僧庵按西華門外有舊丞相府胡惟庸第也又有後舊丞相府亦以爲胡丞相府非也王弇州史料辨之甚悉但弇州所指西華門非今之西華門也其胡丞相府今當在駐防城內不可考矣

唐秦系宅

顧況宅俱在句容石墨池上

